

այնուամենայնիւ եւ աշխատեցի պատկերացնել այն, ինչ որ կար և գոյութիւն ունէր, և եթէ դրանով կարողացայ Քեզ որոշ գաղափար տալ, ինչ շատ երջանիկ եմ զգում:

Նկարագրութիւննիցս տեսար, թէ այստեղ բնութեան ծոցը որքան հարուստ է, ինչքան հրաշալի և գեղեցիկ: Ա՛խ բնութիւն՛ը, ես երբէք չեմ մոռանայ . . . Թոյլ տուր սիրելիս, որ Քեզ նկարեմ մի քանի պանօրամա այդ գեղանկարից:

Երեկոյ է, գարնանային սքանչելի երեկոներէից մէկը: Դուրս եմ գալիս գիւղական խրճիթից և անցնում ուռենիների և բարդիների տնկարաններով պճնազարդած մի փոքրիկ առևակի եզրով, որը ոլոր-մոլոր պտոյտներով տանում է ինչ դէպի պճնազարդ և լայնարձակ դաշտավայրերը, դէպի կանաչ արտերը, որոնք ծովի նման փռւած են իմ առաջ հպարտ ու գեղեցիկ: Մի պահ քայլում եմ այդ կանաչազարդ հարթութեան վրայ: Երեկոյեան անուշ հովիկը մեզմիւ փչում է, որի առաջ այնքան զգուշութեամբ, այնքան մեղմ շարժումներով խոնարհում են կանաչազարդ դաշտավայրերը և նորից բարձրանում: Արտերի կողքից հանդարտիկ անցնում է մի կարկաչուն վտակ, որն օձապտոյտ ոլորներով վազում է դէպի մօտակայ դաշտավայրերը ուռգելու: Այստեղ, կանաչ ակին հաճելի է նստել և լսել վտակի մեղմ քջքոցը: Նրստում եմ և ականջ դնում նրա համերգին. դա չիշեցնում է ինչ գիշերային լուութեան մէջ հեացող ծովը: Վտակն ու հովիկն իրար հետ միացած մի հրաշալի ամբողջութիւն են կազմում: Ծարունակում եմ ճանապարհս ընդարձակ ու խաղաղ բնութեան ծոցում: Ահա աչքիս ընկաւ մի գիւղացի. 23—25 տարեկան, առողջ և հուժկու կազմւածքով, բարձրահասակ, լայն ու բաց ճակատով, նոր բուսած ընչացքով, հաստ, ջլուտ բազուկներով և լեցուն կրծքով մի ջահէլ է նա, որ բահն ուսին դրած լուռ ու մտածկոտ քայլում է վտակի եզրից. նա մի ըուպէ կանգ առաւ, նայեց հեռուն, ապա անցաւ վտակի միւս եզրը, բահը ցած բերեց և սկսեց ջրի ընթացքը դարձնել դէպի արտերը: Ես քայլում եմ